

Na osnovu Odluka Vijeća Prirodno-matematičkog fakulteta Univerziteta u Sarajevu od 12.09.2017. g., 22.09.2017. g., 06.10.2017. g. i Odluka Senata Univerziteta u Sarajevu od 27.09.2017. g. i 25.10.2017. g., raspisuje se:

KONKURS/NATJEČAJ
za izbor nastavnika i viših asistenata na
Prirodno-matematičkom fakultetu
Univerziteta u Sarajevu

- **NASTAVNIK** (sva zvanja) za oblasti: „**Genetika**“ i „**Klinička biologija**“ na Odsjeku za biologiju Prirodno-matematičkog fakulteta Univerziteta u Sarajevu ... 1 izvršilac sa punim radnim vremenom;
- **VIŠI ASISTENT** za oblast: „**Primijenjena matematika**“ na Odsjeku za matematiku Prirodno-matematičkog fakulteta Univerziteta u Sarajevu ... 1 izvršilac sa punim radnim vremenom;
- **VIŠI ASISTENT** za oblasti: „**Organska hemija**“ i „**Biohemija**“ na Odsjeku za hemiju Prirodno-matematičkog fakulteta Univerziteta u Sarajevu ... 1 izvršilac sa punim radnim vremenom;
- **VIŠI ASISTENT** za oblasti: „**Opšta hemija**“ i „**Anorganska hemija**“ na Odsjeku za hemiju Prirodno-matematičkog fakulteta Univerziteta u Sarajevu - 1 izvršilac sa punim radnim vremenom;

Kandidati za izbor nastavnika dostavljaju:

- Prijavu za koje mjesto nastavnika konkurišu **uz obavezu da naznače zvanje u koje se prijavljuju, u protivnom prijava će se smatrati nepotpunom.** U prijavi je obavezno navesti priloženu dokumentaciju;
- Biografiju/životopis,
- Ovjerene kopije diploma matičnog fakulteta – odgovarajućeg studija za oblast na koju konkuriše (visoke stručne spreme, naučnog stepena magistra i naučnog stepena doktora, odnosno diplome I (prvog), II (drugog) i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu),
- Bibliografiju (priložiti: radove, udžbenike, knjige, monografije i dr.),
- Dokaze o doprinosu u podizanju nastavnog i naučno-istraživačkog kadra.

Kandidati za izbor višeg asistenta dostavljaju:

- Prijavu za koje mjesto višeg asistenta konkuriše uz obavezu navođenja priložene dokumentacije,
- Biografiju/životopis,
- Ovjerene kopije diploma matičnog fakulteta - odgovarajućeg studija za oblast na koju konkuriše (visoke stručne spreme i naučnog stepena magistra ili ovjerena kopija diplome I (prvog) i II (drugog) ciklusa studija) ili Rješenja o priznavanju visokoškolske kvalifikacije, ako je stečena u inostranstvu,
- Ovjerenu kopiju uvjerenja o položenim ispitima na diplomskom i dodiplomskom studiju, odnosno dodatak diplomi I (prvog) i II (drugog) ciklusa studija,
- Ovjerena kopija dokaza o provedenom izbornom periodu u zvanju asistenta,
- Naučne, naučno-popularne i stručne radove,
- Dokaz o poznavanju jednog svjetskog jezika.

Minimalni uvjeti za izbor u naučnonastavna zvanja utvrđeni su Zakonom o visokom obrazovanju (Službene novine Kantona Sarajevo, broj: 33/17) i Statutom Univerziteta u Sarajevu, koji kandidati trebaju ispunjavati i potvrditi dokumentacijom.

Svi kandidati, pored navedenih dokaza, dostavljaju originalni izvod iz matične knjige rođenih i uvjerenje o državljanstvu Bosne i Hercegovine ili ovjerene kopije navedenih dokumenata, koja nisu starija od šest (6) mjeseci.

Svi listovi Prijave sa priloženom dokumentacijom, osim radova, udžbenika, knjiga, monografija i sl. moraju biti čvrsto uvezani, sa numerisanim stranicama i parafirani od strane kandidata.

Napomena: Biografiju/životopis i bibliografiju treba dostaviti i u elektronskoj formi na CD-u. Konkurs/natječaj ostaje otvoren 15 dana od dana objavljivanja. Prijave slati na adresu Prirodno-matematički fakultet Univerziteta u Sarajevu, ul. Zmaja od Bosne br. 33/III, putem pošte (sa naznakom za konkurs i koje mjesto) ili direktno na Protokol, soba 319/III (visoka zgrada). Bliže informacije se mogu dobiti na telefon: 033/723-738.

Nepotpune i neblagovremene prijave neće se uzeti u razmatranje.